



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXIX. Convalidatio omnium novarum electionum Prælatorum in vim
confirmationum sacrarum Ordinis Fratrum Discalceatorum nuncupat. S.
Mariæ de Mercede Redemptionis Captivorum. & quod officium Superiorum

...

[urn:nbn:de:hbz:466:1-74833](#)

1656.

Executores
designat.Dat. P.
An. 2.

Etiam Doctrinam teneant, prædicens, doceant verbo, vel in scriptis exponant, vel interpretentur publicè, vel privatim, palam, vel occultè impriment, sub poenis, & censuris contra Hereticos in jure expressis ipso facto, absque alia declaratione incurriendis.

§. 7. Præcipimus igitur omnibus Venerabilibus Fratribus Nostris Patriarchis, Primitibus, Metropolitanis, Archiepiscopis, Episcopis, ceterisque locorum Ordinariis, ac heretice pravitatis Inquisitoribus, ad Judicibus Ecclesiasticis, ad quos pertinet, ut præsertam ejusdem Innocentii Prædecessoris Constitutionem, Declarationem, ac Definitionem juxta præsentem nostram determinationem ac omnibus observari faciant, ac inobedientes, & rebelles prædictis poenis, aliisque juris, & facti remediis, invocato etiam, si opus fuerit, brachii secularis auxilio, omnino coercant.

Datum Romæ apud Sanctam Mariam Majorem Anno Incarnationis Domini millesimo sexcentesimo quinquagesimo sexto, Decimo septimo Kalend. Novembris, Pontificatus Nostri Anno Secundo.

In nomine Domini Amen. Anno à Nativitate ejusdem D. N. Iesu Christi 1656. Indictione nona, Pontificatus autem Sanctiss. in Christo Patris & D. N. D. Alexandri divina Providentia Papa VII. anno secundo, die vero septima mensis Novembris retroscripta Littera sub plumbo expedita, affixa fuerunt ad valvas Basilicae Principis Apostolorum de Urbe Cancellerie Apostolicae, ac aliis locis soliti, & consuetis Urbis per me Petrum Paulum de Graffis Apostolicum Cursivem.

Pro D. Magistro Cursorum Jacobus Cornelius Curfor.

XXIX.

Convalidatio omnium novarum electionum Prælatorum in vim confirmationum factarum Ordinis Fratrum Discalceatorum nuncupat. S. Mariae de Mercede Redemptionis Captivorum, & quod officium Superiorum non possit prætendi, nisi ad aliud triennium.

Ne jam indicata otiose repeatam, te remitto ad ea, que notaui ad Urban. VIII. Conf. 121. Sacri Apostolatus.

Edita An. D.
1656.

ALEXANDER PAPA VII.

Ad futuram rei memoriam.

Exordium.

IN sublimi Sedis Apostolicae fastigio meritis licet imparibus ineffabili divina providentia consilio collocati religiosorum virorum sub suavi arctioris religionis jugo vota sua Altissimo reddere laudabiliter fatagentium commoditatibus libenter intendimus, illisque paternæ benignitatis Nostra favores impartimur, prout matura consideratione adhibita conspicimus in Domino salubriter expedire.

Supplicatio.

§. 1. Exponi siquidem Nobis nuper fecit dilectus filius Antonius à Christo Procurator Generalis Congregationis Fratrum Discalceatorum nuncupatorum Ordinis Sanctæ Mariae de Mercede Redemptionis Captivorum, quod alias postquam felic. rec. Gregorius Papa XV. Prædecessor Noster per quasdam suas in simili forma Brevis die 20. Augusti 1621. expeditas Litteras inter alia statuerat, & ordinaverat, ut in omnibus, & singulis officiis æqualibus, vel inferioribus dictæ Congregationis alternativa trium annorum observari deberet rec. mem. Urbanus Papa VIII. etiam Prædecessor Noster per suas pariter in forma Brevis die 12. Julii 1627. expeditas Litteras ejusdem Congre-

gationis Definitorio, quod ipsius Congregationis, illiusque Domorum Prælatos ordinarios, ac alios quocumque nomine nuncupatos Superioris (non tamen Provinciales) in eorum officiis prout è redictæ Congregationis, illiusque Domorum magis expedire in Domino iudicasset, ad aliud triennium confirmare, sive ad eadem officia de novo etiam alternativa trium annorum hujusmodi minimè observata eligere valeret, facultatem concessit. Cum autem sicut eadem exposito subiungebat, Definitorium prædictum subinde, attento quod in eisdem Urbani Prædecessoris Litteris expresse declaratum non reperiebatur Prælatos ordinarios & alios Superiores hujusmodi ad unum triennium dumtaxat confirmari, sive ad eadem officia de novo dicta alternativa non observata eligi posse, triginta ferè annorum spatio prout interea expedire vîsum est, Prælatos ordinarios, & alios Superiores prædictos in eorum officiis non solum ad unum, sed etiam ad plura immidiatè sequentia triennia confirmaverit, sive ad illa de novo eadem alternativa minimè observata elegerit: nunc verò de confirmatione, & novarum electionum hujusmodi, & indè securorum validitate, & substantia plurimum dubitet, & propterea idem Antonius Procurator Generalis opportunè à Nobis in præmissis provideri summo per desiderer.

§. 2. Nos ipsum Antonium specialibus favoribus, & gratis prosequi volentes, necnon eorumdem Antonii; & Prælatorum ordinariorum, aliorumque Superiorum, ac Definitorii prædicti singulares personas à quibuscumque excommunicationis suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis præterquam præmissorum occasione, vel causa latet si quibus quomodolibet innodatae existunt ad effectum prædictum dumtaxat consequendum harum serie absolventes, & absolutas fore censes supplicationibus dicti Antonii Procuratoris Generalis nomine Nobis super hoc humiliter porrebitur inclinati, confirmationes, & novas electiones memoratorum Prælatorum ordinariorum, & aliorum quocumque nomine nuncupatorum Superiorum tamen Provincialium, dictæ Congregationis, illiusque domorum ultra unum aliud triennium respectivè à Definitorio prædicto sicut præmittitur, alias tamen Canonice factas cum indè fecutis quibuscumque & per ipsos Prælatos ordinarios, & alios Superiores in vim confirmationum, & novarum electionum hujusmodi factis Apostolica auctoritate tenore præstantium convalidatis in omnibus, & per omnia perinde, ac si eadem confirmationes, & nova electiones nonnisi ad unum triennium respectivè factæ fuissent, ac omnes & singulos juris, & facti defectus, qui desuper propter præmissa quomodolibet intervenerunt, sanamus, & abolemus.

§. 3. Præterea omnes & singulos Prælatos ordinarios & Superiores prædictos, necnon personas ejusdem Definitorii à quibuscumque censuris, & poenis Ecclesiasticis per eos, & illas respectivè præmissorum occasione quoquo modo incursis auctoritate, & tenore prædictis in utroque foro absolvimus & plenariè liberamus. Declarantes in futurum Prælatos ordinarios, & alios quocumque nomine nuncupatos Superiores universa Congregationis prædictæ, illiusque Domorum, quos ad aliud triennium in eorum officiis confirmandi, seu de novo ad illa eligendi facultas eidem Definitorio, ut præmittitur, à dicto Urbano Prædecessore concessa fuit, non ultra unum dumtaxat triennium immediatè proximum in eorum officiis à memorato Definitorio respectivè confirmari, sive ad illa de novo alternativa trium annorum hujusmodi minimè observata eligi posse. Ac decernentes ipsas præfentes Litteras desuper firmas, & validas, & efficaces existere, & fore,

Convalidat
prout in rub.Absolvit
Prælatos Or-
dinarios.

&

ANNO
1657.

ALEXANDER SEPTIMUS.

49 ANNO
1657.

& ab illis ad quos spectat, & pro tempore spectabit inviolabiliter observari, illisque respective plenissimè suffragari, sicutque in præmissis per quocumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane si fecus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 4. Non obstantibus, præmissis, ac Constitutionibus, & ordinationibus Apostolicis; necnon quatenus opus sit dictæ Congregationis, ejusque Provinciarum, & Domorum quarumlibet etiam juramento, confirmatione Apost. vel alia quavis firmitate roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores presentibus pro plenè, & sufficienter expressis, & insertis habentes illis alias in suo labore permanensuris ad præmissorum effectum specialiter, & expressè derogatus, ceterisque contrariis quibuscumque.

§. 5. Volumus autem, ut predicti Praælati ordinarii, & Superiori, necnon personæ dicti Definitorii penitentiam quam ipsi respectivè Sacerdos idoneus propter præmissa imposuerit, adimplent, alioquin eadem presentes quoad absolutionem eis in foro conscientia nullatenus suffragentur, utque ipsarum presentium transsumptis etiam impressis, manu Notarii publici subscriptis, & sigillo aliquicui personæ in Ecclesiastica dignitate constituta munitis eadem omnino fides in iudicio & extra illud adhibetur, quæ ipsi presentibus adhiberetur, si forent exhibitæ, vel ostensa.

Dat. P. An.
2 die 24. Jan.

Datum Romæ apud S. Mariam Majorem, sub Annulo Fiscatoris, die 24. Januarii 1657. Pontificatus Nostri Anno secundo.

XXX.

Ne Commendatarii Monasteriorum Camaldulensem deinceps se ingeant in electione eorumdem Superiorum, aliorumque Officiorum.

Consimilem prohibitionem fecit Innoc. X. Constitut. 59. Pastoralis pro Commendatariis Cistercien. quam innovavit hic Pont. Const. 6. sup. Exponi Nobis.

Edita An. D.
1657.

ALEXANDER PAPA VII.

Ad futuram rei memoriam.

Exordium.

SAcrosancti Apostolatus officium humilitati nostræ per abundantiam divinæ bonitatis commissum exposcit ut Religiosorum virorum sub suavi Religionis iugo Altissimi obsequis mancipatorum paternam curam gerentes, illos à gravaminibus indebitis tueamur, ac eorum commoidis, & felici directioni quantum Nobis ex alto conceditur, consulamus.

Supplicatio.

§. 1. Cum itaque sicut dilectus filius Odoardus Bernardus Congregationis Camaldulen. Ordinis Sancti Benedicti Procurator Generalis nomine totius Congregationis hujusmodi Nobis nuper exponi fecit, licet Sacri Concilii Tridentini Decretis cautum reperiatur, ut Priores Claustrales, aut in Prioratibus Conventum habentibus Subpriores, qui correctiones, & spirituale regimen exercant à Capitulis generalibus, vel ipsorum Ordinum Visitatoribus instituantur, nonnulli nihilominus Commendatarii quadam Monasteria Congregationis prædictæ in Commendam obtinentes, forsan in vim Litterarum Apostolicarum super eorumdem Monasteriorum commendis expeditarum, in quibus ipsorum Monasteriorum cura, regimen & administratio, tam in spiritualibus, quam in temporalibus plenariè committitur, jus insti-

tuendi, ac destituendi Piores, & Officiales claustrales, necnon visitandi, corrigendi, statuendi, & ordinandi, & exercendi ea quæ institutum regulare concernunt, ad se spectare, electionibus, & depositionibus Priorum, & Subpriorum, aliorumque Officialium, ac etiam Visitationibus, & Monachorum correctionibus sefz ingerere, quinam Superioriæ dictæ Congregationis Monasteria prædicta visitare, & reformare juxta ejusdem Congregationis Regularia instituta cupientes repellere, & impedire prætendant, & præsumant, non sine gravissimo ipsius Congregationis ejusque Monasteriorum, ac Superiorum, & Monachorum præjudicio, & observantiae Regularis detimento.

§. 2. Hinc est quod Nos inconvenientibus hujusmodi remedium adferre, dictumque Odoardum Oratorem Procuratorem Gen. specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ad homine quavis occasione, vel causa latis, si quibus quomodolibet innodatus existit ad effectum præsentium dumtaxat consequentiarum serie absolventes, & absolutum fore censes supplicationibus ejus nomine Nobis super hoc humiliter porrectis inclinati, necnon Concilii prædicti Decretis, & resolutionibus Congregationis Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præposita in similibus casibus ante hac emanatis inhaerentes, Commendatarii prædictis non licere Piores, & Subpriores, aut Officiales claustrales instituere, ac destituere, visitare Monachos, eosdemque corrigit, nec facultates ipsiis Commendatariis in Litteris Apostolicis concessas, & expressas prout supra ad ea, quæ institutum regulare concernunt, & ejusdem Concilii Tridentini dispositione Monastico regimini relinquentur, trahi posse, aut debere, Apostolica auctoritate tenore præsentium declaramus, ac decernimus, & statuimus.

§. 3. Quo circa dilectis filiis Nostris, & Apostolicæ Sedis Nuncius, sive etiam locorum Ordinariis, vel dictæ Congregationis Camaldulen. Conservatoribus per eadē presentes injungimus, ut quotiescumque requisiti fuerint, ab hujusmodi vexationibus, ac violentiis manifestis Commendatarios per censuras, & alia juris remedia, invocato etiam si opus fuerit, brachii secularis auxilio cohibeant, & compescant, salva semper in præmissis auctoritate Congregationis eorumdem Cardinalium.

§. 4. Decernentes easdem presentes Literas semper firmas, validas, & efficaces existere, & fore, ac ab omnibus, ad quos spectat, & pro tempore spectabit, inviolabiliter observari. Sicutque in præmissis per quocumque Judices ordinarios, & delegatos, etiam causarum Palatii Apostolicii Auditores judicari, & definiti debere, ac irritum, & inane si fecus super his à quoquam, quavis auctoritate scienter, vel ignoranter contigerit attentari.

§. 5. Non obstantibus præmissis, ac fel. record. Bonifacii Papæ VIII. Prædecessoris Nostræ de una, & Concilii generalis de duabus dietis, dummodo tamen ultra tres dietas aliquis auctoritate præsentium in iudicium non trahatur, aliisque Apostolicis, ac in universalibus, Provincialibusque Concilii editis generalibus vel specialibus Constitutioibus, & ordinationibus, necnon quatenus opus sit Congregationis, & Ordinationis hujusmodi etiam juramento, confirmatione Apostolica, vel alia quavis firmitate roboratis statutis & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plenè, & sufficienter expressis, & insertis

Absolvit à
censuris.

Declarat
prout in rub.

Executores
deputat.

Decretum
irritans.